

LAVAKA HAKANA TANIMANGA HANAOVANA BIRIKY

Anisany mahafaty zaza betsaka

Tsy maintsy misy hatrany isan-taona hafatesana zaza eny amin'ireo toerana hakana tanimanga hanaovana biriky. Ary tsy iray tsy roa fa maromaro hatrany no re namoy ny ainy ao anatin'izany. Eny an-tanimbary sy toerana manamorona na andalovana renirano matetika no anaovan'ireo mpanao fihariana na mpisehatra amin'ny fanaovana biriky tanimanga. Mazava loa-ta, tsy kely ny tany alaina amin'izany, hany ka zary lasa lavaka be ireny toerana ireny avy eo rehefa vita ny asa na mifarana ny fotoana fanaovana azy, ary dia avela fotsiny eo. Amin'ny fotoanan'ny main-tany amin'ny ankapobeny ihany koa ny fotoana fanaovana biriky tany, ka rehefa migadona ny fotoana fambolena na amin'ny fahatongavan'ny orana dia mifarana eo ihany koa ny asa. Eo indrindra no itrangan'ny loza satria rehefa tonga ny orana, dibo-drano

ireny lavaka ireny. Ny ankizy anefa indraindray tsy voafehin'ireo ray amandreniny, fa lasa milalao eny akaikin'ireo toerana ireny. Misy amin'izy ireo ihany koa no misetrasetra na manandrakandrana ka miroboka ao. Misy koa anefa ireo tsy nahy fa mibolisatra dia latsaka any. Dia mifanavotra avy eo izy ireo kanefa izay latsaka tsy voaavotra, ireo nikasa hamonjy ihany koa tsy tafavoaka fa nilentika sempotry ny rano miaraka ao. Tranga miseho matetika tamin'ny toerana maro samihafa io mifanavotra io hany ka roa na telo no indray miaramamoy ny ainy. Toe-javatra mampalahelo izany kanefa dia miverimberina hatrany isan-taona. Hatreto tsy misy na tsy ahenoina mihitsy fandraisan'andraikitra ny tomponandraikitra eny amin'ireny toerana itranganana loza ireny, fa dia mianona fotsiny amin'ny fampiononana sy fampitandremana na avy aminy

na avy amin'ny mpiray tanàna na avy amin'ny ray amandreny. Eo indrindra no anairana ny sain'izay tomponandraikitra rehetra, na eo amin'ny fokontany misy ireny toerana fanaovana biriky tanimanga ireny, na ny kaomina indrindra indrindra, ho amin'ny fame-trahana fepetra izay tokony horaisina amin'izany. Eo koa ny amin'ny tokony fitadiavana fomba isorohana ny loza fa tsy ampy mihitsy izay mety natao hatramin'izay matoa tsy mitsahatra ny mitranga izany loza izany. Azo karohina tsara ny fepetra amin'izany, fa ireo tomponandraikitra no tsy mandefa saina lavitra amin'izany, mba tsy ilazana hoe tsy miasa saina, amin'ny fiarovana ny ankizy eo an-tanàna iadidiany. Zava-doza manjo ny zaza Malagasy izany efa an-taonany maro eny amin'ireny toerana sy faritra ireny. Na ireo fikambanana milaza ho mpiaro ny zon'ny ankizy aza tsy ahi-

tana teny momba izany akory. Saiky any antanàn-dehibe mantsy ireo mpikambana ao aminy no monina, hany ka tsy mahita na tsy mahay ny zava-misy eo amin'ny tontolo iainan'ny ankizy toy izany. Mandre fotsiny ireo, dia misaina toy ny hoe tsy fitandremana izany, dia izay, mijanona eo fa tsy misy fandraisana andraikitra. Efa be izay zaza sy ankizy namoy ny ainy izay tamin'ireny lavaka ireny, tokony efa hisy fanapahan-kevitra na fepetra raisina mihitsy momba izany ho fisorohana ny loza. Mazava loa-ta, tsy ao anaty kajin'ny fitondrana ankehitriny mihitsy ny amin'ny vahaolana momba izany, fa miandry na manilika fotsiny ny andraikitra amin'ny hafa, izay toy ny efa fanaony ihany hatramin'izay. Zana-bahoaka no iharan'izany mantsy fa tsy ny any amin'ny tontolony.

Radafy

Paositry ny polisy Antaniavo Nahatratra mpanendaka niaraka tamin'ny antsy lava tetsy Atohomadinika

Manjaka ny tsy fandriampahalemana eto amin'ny firenena ankehitriny na eto antanan-dehibe io, na any ambanivohitra na efa manao izay vitany aza ny mpi-tandro filaminana hamongorana azy ireny. Io tsy mifidy taona fa hatramin'ireo tanora vao erotrerony aza dia efa tafiditra ao anatin'ny fanaovana asan-jiolahy syfanandahana avokoa. Omaly dia zazalahy mpanendaka vao 22 taona monja miaraka amin'ny antsy lava eny am-pelantanany no tratran'ny polisy teny Atohomadinika. Maro ny olona efa tratran'ity farany tamin'izany. Eo amin'ny arrèt Mahitsy sy fiangonana Jesosy Mamonjy ary eny amin'ny Lalamby, ireo no toerana tena fanaovany ny asa ratsiny. Rehefa nisy ny fisafoana matetika nataon'ny Polisy teny an-toerana miampy ny angom-baovao samihafa voaray dia tra-tehaka tetsy Atohomadinika omaly tokony ho tamin'ny 07 ora maraina ilay tovolahy niaraka tamin'ilay antsy lava fampiasany. Mila mitandrana ihany ireo mpandeha amin'ny toerana iny fa ny ratsy tsy kely lalana.



Helisoa


Fifamoivoizana Miseho lany indray ireo polisy manotra an-dalambe

Be no mimenomenona amin'izao fotoana, fa miseho lany indray ireo polisy manotra an-dalambe, ireny mpi-tandro filaminana mandrindra ny fifamoivoizana ireny. Mpamily iray no tafaresaka tamin'ny gazety: "mirongatra indray ny fandidian'ny Polisy eny an-dalana". Mitaraina toy izany koa ny taksi sy taksi-be fa dia lasibatry ny polisy, ampiorohoroany amin'ny resaka fourrière, tsy latsaky ny 20 000ariary ny fakana papier, ary 100 000 ar no takian'ny polisy manao kolikoly raha fiara fourrière. Araka ny vaovao voaray, misy mpanera mihitsy misera, mpaka taratasy any amin'ny polisy fotsiny no asany. Ny fakana taratasy ny fiara dia tsy misy contravention: na taratasy fanamarinana, omen'ny ankamaroan'ny polisy, ary alaina eny an-dalambe eny ihany avy eo. Efa izay kolikoly izay ihany anefa no nampiantonana ny fahafahan'ny polisy misava taratasy, fa izao dia tsy rony tsy vetiny eo, misy aza ny polisy vao mijery azy fotsiny ny mpamily, dia efa taratasy no ambarany, tsy misy fanazavana izay antony hakany ny taratasy ny fiara sy ny permis ny mpamily amin'izany. Mila jeren'ny tompon'andraikitra akaiky ny mahakasika izany, fa manaratsy endrika ny ao amin'ny departemantan'ny filaminam-bahoaka indray.

Stefa

Hala-botry Mirongatra ny fangalarana voninkazo

Efa tena sarotra tokoa no fiainana amin'izao fotoana, ka rehefa mety ho avadika vola dia misy mangalatra avokoa. Hala-botry miron-gatra ihany koa amin'izao fotoana ny halatra voninkazo eto an-drenivohitra sy ny manodidina. Voninkazo samihafa miisa 120 fototra, no tapitra nisy nangalatra afak'omaly alina avokoa. Miangavy izay mahita, na mivarotra ireo karazam-boninkazo ireo ny tompony hifanampy aminy, na hampandre ny mpi-tandro filaminana, raha misy mampiahahy.



Aly

Tavim-boninkazo sisa no navelan'ireo mpangalatra, ny sasany tamin'ireo voninkazo nisy nangalatra.

Mpamongady mpanefoefo

Banky ropotra tao anatin'ny fotoana fohy

Tsy lavitra fa teto Analamanga ihany no niseho ny tantara. Mpamongady ranamana. Manana fiarabe sy fiara madinika ary manana mpiasa maro ihany koa. Nizotra soamantsara ny fiainany, nilamina ny tokantranony ary afaka nianatra ihany koa ny ankizy. Tsy nisy mahao-ry fa izay tadiavina dia tonga ary tsy lany laniana mihitsy aza. Marobe koa nefa ny olona nifandray sy nivezivizezy tao aminy ary tsy fantatra intsony ny ratsy ny tsara. Tampoka teo nefa dia nanjary narary rangahy ary nentina nitety dokotera sy mpitsabo hafa fa tsy nety sitrana. Tsy mbola sitrana akory izy dia narary koa ramatoa vadiny ary torak'izany koa. Nanomboka nikorontana ny tokantranony satria na ireo ankizy mpianatra aza dia nitsahatra tsy fidiny mihitsy. Ny vola mivoaka toy ny rano hoy ny fitenenana ary namidy avokoa izay

azo namidy toy ny fiara, ny fananana madinika sns... fa tsy mbola sitrana ihany izy mivady. Efa saiky hivarotra ny tranony izy no sendra nisy olona nanatona sy tafaresaka taminy ary nilaza fa mila fikarakarana ianareo satria zavatra hafa ity mahazo anareo ity. Teo noho eo ihany ary dia niantso an'i Mr Aina mpitsabo 03429 026 68 sy ny 03383 481 63 ary ny 03202 798 68 eny Itaosy izy ireo ka nihaona tamin'ity mpitsabo ity ilay iraka tonga teny aminy.


Tratry ny mosavy izy mivady

Vao nihaona teny Itaosy dia izao no nambaran'ilay mpitsabo taminy, tratry ny mosavy ianareo hoy izy ary tsy lavitra fa olona akaiky anareo ihany io ary efa diso zatra anareo mivady mihitsy. Tratry ny fandrarakana ny tsenanareo hoy ity mpitsabo ity ary

tsy vitan'izany fa sady nataony izay haha-leo monina na ho faty mihitsy aza raha tsy voakarakara haingana. Manana « pouvoir » manokana moaity mpitsabo ity ka tamin'ny alàlan'izany niaraka tamin'ny « sorabe » no nitsaboany azy mianakavy. Manàna finoana ary matokia fa tsy maintsy hiverina ny harenareo ary tsy maintsy ho sitrana ianareo hoy ity mpitsabo ity.

Nijoro vavolombelona izy mivady

Fotoana fohy taorian'izay tokoa raha vao nanaraka ny tormarika avy amin'ity mpitsabo ity izy mivady dia nanomboka sitrana izy roa, nanomboka niverina tsikelikely ireo olona tsy hita popoka teo ary nanomboka nilamina moramora ny fiainan'izy mianakavy. Fotoana fohy monja mantsy dia salama tsara izy mivady ary gaga izy fa ireo olona nandosi-



tra tsy nahalala azy tamin'izy voa aza dia nanomboka niverina tsikelikely ary telo volana taorian'izay dia tafaverina soamantsra ireo harembe izay efa rava teo aloha nefa dia tafaverina amin'ny laoniny indray rehefa nahazo fikarakarana teny amin'ity mpitsabo ity izy mianakavy. Nijoro vavolombelona izy mivady fa saiky maty sy namoy harena raha tsy nokarakarain'ity mpitsabo fantadaza ity.

Ny Valosoa

Taxibe mampitohy an'Ambohitrimanjaka sy 67 Ha

Mitaraina ny mpanjifa fa tsy voahaja ny bokin'andraikitra

Mitaraina ny mpanjifa taxibe mampitohy an'Ambohitrimanjaka sy Coum 67 Ha ankehitriny noho ny afitsok'ireo mpitatitra. Manomboka amin'ny dimy ora hariva mantsy dia filaharambe no hita eny antoerana, ary tsy vitan'izany fa tafakatra arivo ariary

ny saran-dàlana raha toa ka dimanjato izany isan'andro. Mbola mijaly koa ireo mpanjifa satria izay tian'ny mpamily no ataony ary izay tiany hiverenana rehefa hariva ny andro. Ireo taxibe mampitohy an'Antananarivo sy Ivato matetika no mba manala ny

fahasahiranan'izy ireo. Mitaraina arak'izany ny mpanjifa manoloana ity tranga na fitateranaeny Ambohitrimanjaka ity. Mangataka kaoperativa mpitatitra vaovao ny mpoina eny Ambohitrimanjaka na dia lavin'ireo mpitatitra ankehitriny aza

ny fangatahana satria tsy manaiky hidirana mpifanandrana nefa tsy mahavita ny asa sy tsy manaja ny bokin'andraikitra akory izy ireo. Andrasana moa ny tohin'ity raharaha fitaterana eny Ambohitrimanjaka ity.

Rajo